

增訂

偽

藥

條

辨

卷三

序例

目錄

山草部

十八種

芳草部

十七種

麻草部

十二種

附本草穀菽  
 卷三  
 山草部  
 芳草部  
 麻草部  
 目錄  
 序例

增訂偽藥條辨卷一

閩縣 鄭奮揚肖巖遺著

鄞縣 曹赤電炳章集註

山草部

人參一

真人參。以遼東產者爲勝。連皮者。色黃潤如防風。去皮者。堅白如粉。肖人形。有手足頭面畢具香。有神。故一名神草。產於地質最厚處。性微溫。味甘兼味苦。生時三椹五葉。背陽向陰。故類見風日。則易蛀。陶貞白云。納新器中密封。可經年不壞。李言聞云。凡生用。宜收咀。熟用。宜隔紙焙之。或醇酒潤透。收咀焙熟。並忌鐵器切片。月池翁。嘗著人參傳二卷。言之甚詳。不能備錄。近代貨缺價昂。假者皆以沙參薺芎桔梗采

根造作亂之。考沙參。體虛無心而味淡。薺芩體虛無心而味甘。桔梗。體堅有心而味苦。而人參。體堅有心而味甘味苦。自有餘味。煎之易爛而渣少。氣味形色。原自可辨。所恨謀利之徒。僞造混售。以亂真品。甚至因人參價貴。有以短折長者。謂之接貨。以小併大者。謂之合貨。必先用水潮過。原汁已出。又用粉膠粘紫蒸烘做成。力薄而易變。又有以湯泡參自啜。乃晒乾烘燥。做色復售。謂之湯參。江淮所出土木人參。多薺芩混充。層出不窮。欺人太甚。今欲辨真僞。不如用蘇頌之一法。但使二人同走。一含人參。一空口。度走三五里許。其不含人參者必大喘。含者氣息自如。其人參乃真也。然必使年歲體氣相若之人。行之方準。否則反至誤事。夫富貴人平時衛生。喜服人參。誤購贗品。雖無裨益。尙未大害。倘購假參以治大病。則害立見。匪特不能升提中氣。抑且反賊臟陰。蓋薺芩。

海狗膏、麒麟膠、珍珠一阿膠、犀角、羚羊、之屬。尤宜謹慎。儼無真藥。徒費病家之錢。於病無濟。必不得已而用之。須囑力求真品。或能稍收功效。吾願同志諸君。力挽頽風。隨時隨地。留心察訪。嚴別真假。以立吾道之防。則活人之心。差堪稍慰已。

勸買宜誠也。項元麟曰。病家買藥。原係去病求生。固非泛常日用者可比。幸勿希圖價廉。多打折扣。過意拖欠。使彼貨賣之家。折本含怨。請思經營問利。誰甘虧折。不得已將形色相似者代之。孰知雲泥之隔。冰炭之殊。買藥者。惟圖價值便宜。服藥者。亦大受其損矣。病情輕。尚可苟延殘喘。病情重。以致殞命捐軀。買賣之際。生死交關。其可不慎。況世俗皆以藥業爲暗行。不知其如何利息。殊不知別選正藥。去頭除尾。再去泥雜沒屑。沾惠甚微。偶或驟讓。甚至淨欠不還。以致賣者

。進貨折本不計。所以買者。貪而無誠。而賣者作僞。亦毋怪其然矣。  
又有土人商賈。魚目混珠。來路不清。亦非關藥肆之弊。乃進貨者。經  
驗閱歷不到。受人欺騙耳。罪在奸商貪利忘義之徒。總之藥之良窳。關人生  
命。宜各本天良。搜精採髓。不避天下射利者恚怒。恪遵  
天道好生爲念。賣者買者。思之味之。

格石  
老醫  
迷舊  
疾  
言天  
朽藥  
誤良  
方

。亦佳。○馬湖所出者。與峨嵋山連相似。亦軟蘆硬刺。皮色青帶黑。首尾一樣。有節。均爲佳品。○紫宕溝瓦屋山二山出者。瘦小有蜂腰。皮毛柔。軟蘆硬刺。亦佳。○以上皆爲川水連。亦有新老山之別。如新山。則條短刺硬。皮黑色。軟蘆多綠嫩者佳。老山則細長。蘆軟刺少而硬。色黃老者。爲最佳。此皆野山出品。○打箭爐出者。亦曰水連。皮黑刺少。無蘆頭。有紋枝。色黃。略次。○重慶種出者。曰母珠連。硬蘆而扁。頭粗尾細。色黃。更次。○峒山種出者。曰峒連。蘆扁硬。刺略軟。色黃。切開空鬆者。亦次。○四川石柱廳種出者。曰味連。形似鷄爪連。亦次。○嘉定管高廟所出者。曰嘉定連。俗名母連。種後五年出土。皮如鱗甲。肉色黃而帶紅。亦次。○雅州產者。曰雅連。○岡山產者。曰岡連。皆次。○南川金佛山產者。曰金山連。蘆長連少。亦次。以上皆四川產也。○



雲南野出者。曰雲景連。體鬆蘆軟。形似鷄脚爪。無蘆刺少。皮黑肉色黃。亦次。種者蘆硬刺軟。更次。○廣西產者。曰新山連。皮光色黃。質重。斷則淡黃色。亦甚次。○處州出者。曰土連。皮黑肉實心。淡黃色者。味雖苦回味兼甜。亦極次。○奇會工出者。曰會連。形似母連。皮略黑。肉空鬆。乃馬所食。不入藥用。○鷄屎連。色黑細小。斷則綠色而淡。亦極次。不入藥。○近有日本產者。曰洋連。形色略同。皮光而有毛刺。肉色淡黃微白。更次。亦不堪入藥。自雲連至洋連終。俱屬側路僞品。服之甚爲害人。醫者與病家。皆宜注意之。

### 川貝母

十七

僞名魯貝。粒扁洗後皮脫。其粉即出。按貝母惟川蜀出者爲佳。其子在根下。內心外瓣。其色帶白。如聚貝子。故名貝母。蓋色白味辛生於西川。故屬

肺金之藥。浙貝尙不可混用。况魯貝乎。更有一種名西珠貝母。係山慈菘偽充。又有一種偽貨。名西貝。其性不能潤肺化痰。更相反也。

炳章

按川貝。四川灌縣產者。底平頭尖。肉白光潔而堅。味微苦兼甘。

爲最佳。平瀋縣產者。粒團質略鬆。頭微尖。肉色白而無神。味亦微苦兼甘。亦佳。叙富產者顆大而扁。肉白黃色。質鬆味淡。爲次。魯京州大白山松盤等處產者。曰魯京川。黃白色頭尖。亦次。湖北荊州巴東縣產者。皮色帶黑。性硬而光。頭尖。肉呆白色。味苦。更次。陝西新開山產者。曰西貝。或名尖貝顆扁頭尖。味甚苦。更不道地。鄭君所云。或指此種。然非山慈菘偽充。所云珠貝者。即小象貝也。蓋川貝中有獨顆不分瓣。不作二瓣合抱。皮無皺者。名單龍精。宜揀去之。誤服令人筋脈不收。惟用黃精小藍汁可解之。



川貝粉

十八

今人肺燥咳嗽。每以川貝粉蒸梨。亦清潤單方也。詎料射利藥肆。研便之川貝粉。率以懷山藥研粉僞充。雖山藥無毒。其奈有外邪未罷者。服之則留邪。粘痰難出者。服之則助痰。爲害匪淺。如用川貝粉。須當面看其研末。方無此弊。

兩章按項元鱗云。川貝粉。市者以象貝漂洗代之。或以小山藥。天花粉僞之。余謂未必皆如是。此屬少數市儈昧良之行爲。非可指普通而言如此也。

秦 芫

十九

假芫出秦中。今涇州鄜州岐州河陝諸郡皆有。其根土黃色。作羅紋交糾。左右旋轉。李時珍云。以左紋者良。今市肆僞品。即邊秦有毛。其枝尙小。匪

特左右紋難辨。不知何物混充。又安能療病乎。

炳章按秦艽。陝西甯夏府出者。色黃肥大蘆少左旋者佳。山西五台山亦出。皮色略黑。肉黃白色。亦佳。以上皆名西秦艽。湖北產者。條細質鬆。毛屑較多。名漢秦艽。爲次。

銀柴胡 二十

味淡蘆頭又大。不知何物僞充。按銀柴胡以銀州及甯夏出者爲勝。氣味甘微寒無毒。蒿長尺餘。色微白。力弱於北柴胡。即銀州之軟柴胡。專治骨蒸勞熱。不但清熱。兼能涼血。和劑局方治上下諸血。龍腦雞蘇丸中用之。凡人虛勞方中。最爲相宜。用者須購真銀柴胡爲要。

炳章

按銀柴胡陝西甯夏府甘肅州。及山西大同府皆產。選肥大堅實。色

白軟糯無沙心者爲佳。僞者尙無。又按經疏云。柴胡有二種。一種色白

而大者。名銀柴胡。逢原云。銀柴胡野州者良。今延安五原城所產者。長尺餘。肥白而軟。百草鏡云。出陝西甯夏鎮。二月採葉。名芸蒿。長尺餘。根微白。即銀柴胡。藥辨云。銀柴胡出甯夏。形似黃耆。參合諸說。與近今市肆所備。亦相符合。據余實驗。凡治虛勞肌熱。骨蒸勞熱。熱從髓出。及小兒五疳羸熱。用之頗效。若用北柴胡。則升動虛陽。發熱喘咳嗽。愈無甯乎。周一士云。熱在骨髓者。非銀柴胡莫療。前人有不識藥品之形態。往往妄評銀柴胡爲贗物。豈可不辨。以淆惑後人。而使無從遵循乎。

鼈血柴胡 二十一

北柴胡用鼈血製者。原欲引入厥陰血分。於陰虛之體。最爲得宜。市肆中有一種僞品。不知何物所製。殊可恨也。

炳章按鼈血柴胡。以鼈血拌炒柴胡。慮不道地。可以殺鼈現炒。尙非難事。然柴胡之良窳。亦有多種。亦宜審慎辨明。如蘇浙通銷者。以江南古城產者爲多。柴胡者。在地上葉莖爲柴。地下根蘆爲胡。如古城產者。葉綠甚軟而短。無硬梗。地下根皮紫黃色肉淡黃色。形似紫草。尙佳。福建廈門銷行者。乃廬州府無會州。白陽山所出。裝篋運出梗略硬。或曰北柴胡。略次。山東本地不行。兩湖通銷者。爲川柴胡。葉綠黃色。根黑黃色。性糯味淡。亦佳。他如湖北襄陽出。梗硬者爲次。滁州、全椒、鳳陽、定遠、俱出。泥屑略多。尙可用。江南浦陽。有春產者無蘆槍。秋產者有蘆槍。亦次。關東出者如雞爪。更不道地。

苦梗

廿二

苦桔梗之根。結實而梗直。故有是名。非木上之梗也。近道處處有之。其

根外白中黃有心。味苦而辛。本經主治胸脇。痛如刀刺。腹滿腸鳴幽幽。驚恐悸氣。其一種無心味甜者。薺芎也。一名杏葉沙參。又名甜桔梗。性味功用。與桔梗大不相同。近今藥肆因苦桔梗價貴。多以甜梗爲充。又有一種水口梗。性味更劣。服之安能見功耶。

炳章按桔梗出安慶古城山。色白有蘆。內起菊花心。味甜帶苦者佳。寧國府涇縣出者。形味略同。亦佳。其他如鎮江全椒、滁州白陽山、常州宜興、天長、定遠、樟渚、各縣皆出。色黃白。味甜。均不道地。此藥乃開提肺氣。爲手太陰要藥。須擇色白性糯飽綻。味苦而有心者用之。若味甜者。卽薺芎也。效用不同。不可混用耳。

土枸杞

廿三

枸杞子氣味甘寒。主堅筋骨。耐老除風。去虛勞。補精氣。以陝西甘州所

產者爲勝。近有一種粒小色淡。味不甚甘。皆本地所出之上枸杞。非甘州上品也。

炳章按枸杞子。陝西潼關長城邊出者。肉厚糯潤。紫紅色。顆粒粗長。味甘者爲佳。寧夏產者。顆大色紅有蒂。略次。東北關外行之。甘肅鎮番長城邊出者。粒細紅圓活。味亦甘。此貨過窳天即變黑。甚難久藏。略次。他如閩浙及各地產者。舊地皆曰土杞子。粒小。味甘淡兼苦。肉薄性微涼。不入補益藥。爲最次。

### 地骨皮

二十四

枸杞以陝西甘州所出者爲勝。地骨皮即枸杞之根。食療本草云。氣味苦寒。主去骨熱消渴。近今市肆所售。硬地骨。不知何種草根僞充。聞是風藥。其性燥烈。大相反。若誤服之。則貽害多矣。



按地骨皮。非陝枸杞根之皮。乃長江土枸杞之根皮。三月出新。江南、古城、亳州、蘇州、江北出者。皮薄性糯。色黃黑。氣微香。片大無骨者。爲最佳。湖北出者。皮粗厚而大。性硬質脆。色黃兼有白斑。梗多爲次。鄭君所云硬骨皮。即此是也。

### 巴戟肉

二十五

巴戟天甘辛微溫。入腎經血分。強陰益精。產蜀地者佳。如連珠。擊破中紫而鮮潔者。僞也。中雖紫。微有白糝粉色。而理小黯者真也。近有以山豆根混充者。山豆色白性寒。或醋煮以亂之。則誤人不淺矣。

炳章

按巴戟肉。廣東出者。肉厚骨細。色紫心白黑色者佳。江西出者。

骨粗肉薄。略次。浙江台州甯海縣出者。名連珠巴戟。擇其肉厚軟糯。

屑少。去骨用肉。亦佳。鄭君云。山荳根混充。不但效用冰炭。且形態

亦全不相類也。

假白薇 二十六

即土白薇。條大而硬。色少帶黃。按白薇本經名春生。出陝西及舒滁潤遼諸處。其根色黃微白。柔軟可曲者白薇也。色白微黃。堅直易斷者白前也。今此種土白薇。或云即白前偽充。形質既異。功用懸殊。萬不可誤用也。

炳章按白薇產山東者。根皮赤黃色。內白黃色。形類牛膝實心。頭下有細鬚根。短而柔軟可曲。乘雅云。根似牛膝。而細長色黃微白。此即白薇。與本經之說脗合。陳嘉謨曰。白前形似牛膝。粗長直。空心有節。色黃白色。折之易斷。乃與近時白前形狀亦符合。本草崇原集說眉批云。蘇州藥肆。誤以白前爲白薇。白薇爲白前。相沿已久。近調查杭甬藥肆。相沿亦與江蘇同。近據鄭君說福建亦沿此謬習。惟吾紹興幸早經

考定改正。吾望閩蘇甬各藥界。亦當速爲改正。免誤病家。

假蒙花

二十七

蒙花一名蒙山茶。一名雲芝茶。性寒能清肺胃之熱。故疹病用之尤宜。近今多以近道礪花僞充。則性味懸殊矣。

炳章

按蒙花三月出新。湖北當歸山出者。其花白綠色。白茸毛。淨而無根者佳。各處出。花碎小。色白黃。梗多者次。

仙鶴草

二十八

徐友丞來稿

承賜仙鶴草并龍牙草辨。并讀之下。無任感佩。刊登布告。醫病兩家。實受教益。蓋中國素有天產之靈草。得以發揚。彼自命維新學家。學習西醫皮毛。唾棄中華醫藥者。可恍然悟矣。友丞按光緒丙申年間。有畿東豐潤張兩人言。刊傳仙鶴草圖說云。仙鶴草三葉之下。有耳叶者真。無耳叶者非。亦是一考據也。